


BIBLIOTEKA

8JH-1
H 92

ÇELO HOXHA



Murë dhe Emra

Poezi



SHH-1
HP2

Çelo Hoxha

MURE DHE EMRA

Poezi

SIBLIOTEKË
SHKIS GJITHORINJESH
MIR INV
54792

Shtëpia Botuese "Faik Konica"

1995

FILLIM

Jashtë bie shi.

*Po të vendosësh një gotë mbi tringun e prerë
mbushet. Po ta përmbysësh - laget.*

Eshtë edhe dikush tjetër jashtë

që ende unë se kam përshëndetur.

Ka mbaruar studimet dy vjet pas meje.

Shërben për të trembur galat në kopësht.

Qëndron përmbys. Shkruan një letër.

VRULL

*Në dy anët e një fjale
qëndrojnë dy burra
-pa qenë shkronja.*

PARADITE

*Zogu që troket në dritare
është gruaja e bukur e komshiut*

*fshin urinë dhe të ftohtit
nga xhamat
-me sqep.*

SHKAK

1.

*Më jep livadhin me barin e gjelbër
natyrisht, ku të jemi shtrirë
edhe unë edhe ti,
të të jap pranverën e shkuar.*

2.

*Më jep livadhin me barin e gjelbër
natyrisht, ku të jemi shtrirë
edhe unë edhe ti,
të të jap një llozhë modeste në qiell.*

RRALLIM

*Mbështeta kokën në stolin e parkut
pashë në ëndërr gratë e qytetit.
Të gjitha ishin shtatzëna.*

*Hapa sytë:
kalonin një për një para meje
me fëmijët e vegjël për dore.*

KOMÇA

Dita
një vajzë e vogël
e goditur me një fjalë
në orët e trupit.

keun'sheij Jam i lumtur që më do
e mbërthej me zogj.

Lamtumirë e ardhme
ulur në karrige.

NOKTURN

*Nata gjithandej është e përsosur.
Rreth meje ka errësirë. Edhe rreth pemës
edhe rreth njerëzve. Pemët nuk duken
as njerëzit, as unë.
Nuk duket as hëna me rrethin e verdhë.
Dikur drita e saj e vakët
binte mbi shpinën tonë të përbashkët
ndërsa tani ai kthehet në shtëpi
me të shoqen futur në shishe
poshtë xhaketës.*

* * *

*Do ta them se ç'fshihet në barkun e natës
pema e rrëzuar që vishte brekët.*